

增補藝苑卮言卷之十三

吳郡王世貞元美

新安程榮仲仁梓

朱鷺魚以烏魚也烏也俱鷺之儀貌也烏轉爲鴉鴉轉爲雅食茄下茄荷也黃姑卽河鼓也轉聲爲黃姑古人以牽牛爲河鼓今星曆家牽牛河鼓各一星

嵇叔夜詩西游咸陽中趙李相經過註謂李夫人趙飛燕大誤或云趙飛燕李平皆成帝所幸婕妤然不應與婕妤游從班史谷永傳又有爲趙李報德復怨

註小臣趙李從微賤尊寵楊用脩又言卽趙季李欵
然二人皆陽翟大俠為何竝所殺味孰是

晨風爲鷗海月爲水母名甚古雅王勃落霞與孤鶩
齊飛宋人謂落霞卽飛蛾也若作飛蛾孤鶩是何境
界

不借爲草履軍持爲淨瓶不律爲筆繞梁爲樂器杖
名扶老鳥亦名扶老蟲名寄生軍裝亦名寄生琵琶
有大小忽雷馬有忽雷駁鱷魚亦曰忽雷

屋曰屠蘇冠幘曰屠蘇酒亦曰屠蘇

藁帖為夫石濶為碑皆鄉音也

馬曰驚帆無曰馳馬官有極賤而極貴者曰僕射有極貴而極賤者太師

將離贈芍藥芍藥一名可離相招贈文無文無一名當歸欲忘人之憂贈丹棘丹棘一名忘思欲蠲人之忿贈青裳青裳一名合歡後人折柳贈行折梅寄遠

○禽經云風翔則風雨舞則雨霜飛則霜露翥則露風為類霜鷦鷯也露鶴也皆禽名雨則商羊獸也四名甚奇

被鏡惡逆鳥也狸一名不來射狸首謂其不來故射
狐疑狼狽獸名甚著猶豫猶之爲獸也無恙恙之爲
蟲也無它它之爲蛇也流離離之爲鳥也焉之爲鳥
也能之爲獸也乙之爲燕也

鬼絲無根而生蛇無足而行魚無耳而聽蟬無日而
鳴龍聽以角牛聽以鼻石脾入水則乾出水則濕獨
活有風不動無風自搖鶴鷗晝暗夜明鼠晝伏夜動
南倭海灘蚌淚着水晝隱夜顯沃山石滴水着色晝
顯夜隱

玄龜食莽飛鼠斷猿狼蝨嚙鶴青要食虎巨蛇畏蜈蚣蜈蚣畏蝮此所謂禽之制在氣也其要離之伏蓄
詐蘭相如之伏廉頗乎

相物者陳君夫相馬留長孺相莖榮陽褚氏相牛又有浮丘伯相鶴經寧戚高堂隆相牛經嚴助相貝經師曠禽經伯樂周穆王諸葛穎徐成相馬經而相馬者又有寒風吳相口齒麻胡相頰女厲相目衛忌相髦計鄙相尻伐羯相胸脇管青相臆吻陳非相股脚秦牙相前君贊相後

吳孫休割八字名其子寔 寔 寔 寔 寔 寔 寔 寔

舉寇褒 樊 擁唐武則天製十二字盟照 穴 天 基 地 乙

甘田 月 〇 星 鳳 君 忠 臣 庄 人 廡 戴 率 年 击 正 後 於 宜

和書譜復得七字厥 載 因 國 願 初 釜 誠 蠶 授 璽 聖 匪

生南漢劉岩自製夔字為名儼 音 儼唐武宗創三字一乃

選劣以試王僕射起言臣於三教書字所不識者周

王傳察門二字耳向者二字羣書未見

石鼓字尤難識其以今文讀者亦多意會今附記之

以俟再考

遊音王音汝音駙音鼎音員音邈音獵音絳音關音鹵音條音趨音憲音篆音臺音

越音全音欒音樸音趙音狗音馭音射音殿音也音番音丞音良音皮音溥音漸音鰕音鯉音

魚音滿音漫音資音鯨音遊音散音縹音活音鮫音莖音鱗音鱗音鯽音鯽音鯽音鯽音自音胡音乞音

庚音洩音繇音衛音美音決音汪音渾音趙音博音闌音會音力音鑿音條音鼎音師音墜音躋音

遠音原音阮音陸音鴉音循音緜音奔音奧音渾音趙音力音趙音乃音樂音忽音翠音鑿音徒音

駟音駟音廳音廓音寔音宣音因音曹音甄音載音衍音道音溼音濕音趙音池音缺音音音冢音兒音

迎音循音最音奉音需音零音櫛音流音叟音丞音通音歸音鹵音酉音周音佳音緜音導音豕音

造音我音我音駟音辭音莽音莽音督音清音迪音乃音來音來音鼎音栗音櫟音櫟音搭音音音庸音

作音庸音集音條音鶴音著音聖音變音整音利音釵音樹音纛音幽音音音犇音音音戴音

織音隻音李音井音舉音芋音自音青音呼音獲音振音復音復音騏音劑音等音華音毘音六音

音音澆音淨音變音寧音是音申音乘音乘音殺音殺音作音獲音夏音蕤音康音駿音教音駛音速音奔音

奕音隳音翰音霧音黎音施音慈音憐音憂音亟音期音夕音窳音拖音罽音罽音一作音獻音獻音

隻音受音食音豳音州音豳音豳音

周書王會所載國名物產亦多奇詭不經青馬黑嶽

謂之母兒稷慎貢大塵似穢人前見良

及在子身人首脂其腹楊州禺禺魚名蘇人鹿如

迅俞人雖馬青丘九尾狐周頭輝炫也黑齒白鹿白

馬白民乘黃似騏有東越海蛤歐人躡蛇姑於越納

口姊妹珍且齶文唇若人玄貝海陽大蟹自深桂會

稽羆義渠兹白

白若白馬鋸牙食虎豹

史林尊耳

身若虎豹尾長三尺食虎

豹北戎以閭閻以淪寇渠叟以鼯犬

飛食虎豹樓煩星施

耳十盧以牛

牛之小者

區陽以鼈封

若鼈前後有首

規矩以麟西

申以鳳鳥丘兪鸞鳥巴人比翼鳥方楊皇鳥蜀人文

翰若專

方人孔鳥蠻楊翟鳥倉吾翡翠又伊尹為湯

定物貢正東符婁仇州伊慮溫深九夷十蠻越澗湔

文身貢魚文之鞞鳥劍之醬鮫蔽利劍正南甌鄒桂

國損子產理佰濮九齒貢珠璣璫象齒文犀犀翠

羽菌鶴短狗正西崑崙狗國鬼親根已闕耳貫胸雕
題離丘漆齒貢丹青白旄紕刻江歷龍角神龜正址
空同大夏莎車姑他旦畧貌胡戎翟匈奴樓煩月氏
織犁其龍東胡貢橐駝白王野馬駒駘駃騠良耳
穆天子傳中多奇字異物或不可解者今備載之以
俟參考

國名鄒

巨音切

島余

音疇

焉居禹知之平珠余赤烏曹奴

留骨鷗韓歌閭智氏闕氏胡氏濁繇骨飢重豔臣菴
留昆陵翟畢○許○毛○井○霍○逢○鄒○盛○

邢○曹○因氏葺氏漿漫地名温谷樂都漆澤縣圃
樂野沙衍蘇谷長淡剗多曠原南鄭圃鄭桑野房子
經林兔臺櫟丘富丘相其軍丘雀梁羽林虎牢留祈
麗虎勃丘寔軫九阿丹黃黃竹菹臺五鹿樂人甘○
盛門重壁壺鞦澤寒淑丘祭丘馬主菹臺茅尺野王
○鹽山各陽紆崑崙鷲鳥積石澗山春山羣山鐵山
苦黃鼠弁山温山戎山瓜纏積山文山彙山采石長
沙焚留陽紆窳晉雷首黃空髭山鉞山塗山曲山薄
山水名庫沱赤水滲澤枝詩珠澤洋水黑水玄池溇

水滔水纒瑯灤澤漚水獲澤大沼洧水漸澤黃澤曲
洛滎水涇水潒水姑繇樂池濟河人名鄘栢絮井利
梁固鄒父栢天郊父造父耿脩芍及膜畫居慮豐隆
長季綽○戲○逢固潛時温歸無鳧高奔戎○命懷
諸飢餓鼠畢矩歸遺箇箇叅百彌奴孔牙毛班逢固
井公公孟愈逢公伊扈女聽女列叔姪盛馬名赤驥盜
驪白義踰輪山子渠黃驂騮綠耳狗名重工徹止翟
玃來白龍狗獸名白狐玄貉赤豹白虎狻猊野馬邛
邛距虛牝牛豪馬豪牛豪羊鳥名鸛雞白鳥青鴈草

名萑葦莞蒲茅蒼蕪萋荅董木禾木名模董姑繇珪
名玉果璿珠燭銀蠶銀馬黃金之膏金鹿王名枝
斯璿瑰瓊瑤琅玕玲瓏兗瓊玕琪徽尾儂錕曼麗玳
珮噐服名覬楚絺葛習圭蠲采黼驛龍驥儀義諧稽
髦疑臺罔疑昊昔時際陵邊疑邊
九經有筆墨字無硯字有燭無燈有醯無醋有麴無
麵又無茶及鼓

粟姚之音驃鷄伍員之音伍運凝脂之音佞脂巢縣
之巢音勦朴胡之朴音浮濡水之濡奴官反甄之音

堅中興之中錦帆之帆俱從去聲司馬之司從入聲

十之從平聲往往見別書可証要之不可並廢

周禮奇字見於洪文敏所記者如法為瀉柄為枋邪

為表美為媿呼為擘拜為摻韶為馨怪為傀暴為覬

獨為籍風為飄鮮為鱣槁為堯螺為羸牌為廡魚為

廠埋為貍吹為歛咳為祓暗為齧柝為椽探為揮翅

為翳是摘為荈駭為駮擊為聳東為樺擲為華嶽為楨

藻為藻昊為原叩為斂艱為蕪魅為彪與夫膺臙胖

鱗蠶胝副醜卓藟筓落鬻柶綵詭嬰藥棘之類皆它經

鮮用者

自太史氏謂司馬長卿所載草木鳥獸多過其實後人相沿疑之以盧橘夏熟峇還雜支等語皆爲增飾按西京雜記載梨有大谷細葉縹葉金葉瀚海東王紫條紫李青李芳李各十種棗有弱枝王門青華赤心西王棠棗栲棗七種栗有候榛瑰嶧陽四種桃有湘核金城綺葉紫文秦桃梳桃霜桃胡桃櫻桃含桃十種李有青綺青房同心車下含枝金枝顏淵紫李綠李朱李黃李羗李燕李蠻李侯李十五種柰有白

紫綠三種查有蠻寇猴三種桫有青烏赤葉三種棠
有赤白青沙四種梅有紫葉紫萼同心麗枝朱梅燕
梅猴梅七種杏有蓬萊文杏二種桐有椅桐楮桐荆
桐三種林檎十批把十橙十安石榴十檉十白銀樹
十黃銀樹十槐六百四十年長生樹十萬年長生
樹十扶老木十守宮槐十金明樹二十搖風樹十鳴
風樹十琉璃樹七池離樹十羅婁樹十白俞柏桂蜀
漆樹各十栴四椈七栝十楔四楓四後云從上林今
虞淵得群臣所上草木名二千餘種後失其本此其

記憶者又茂陵富人袁廣漢園有白鸚鵡紫鴛鴦牝
牛青兕奇獸怪禽江鷗海鶴悉沒入上林太液池中
有鳴鶴舟容與舟清曠舟採菱舟越女舟池有洲結
樹一株大六十圍五柞宮五柞樹蔭覆數十畝三輔
黃圖高帝時南粵王獻龍眼樹武帝於交阯移荔枝
百株植上林建扶荔宮中有菅蒲百本山薑十本甘
蕉十二本留求子十本桂百密香指甲花百本龍眼
檳榔橄欖千歲子甘橘皆百餘本內荔枝一株獨茂
忽夕萎死守吏死者百餘夫草木多至二千餘種則

長卿所言固未虛也窮措大不復知前代帝王富盛便不復信可發一笑

梁冀妻孫壽開翠眉為愁眉五代宮中畫開元御愛眉小山眉五岳眉垂珠眉月稜眉分稍眉涵烟眉鳳池院尼童有淺文殊眉唐明皇令畫工畫十眉圖一曰鴛鴦眉又名八字眉二曰小山眉又名遠山眉三曰五岳眉四曰三峰眉五曰垂珠眉六曰月稜眉又名却月眉七日分稍眉八曰涵烟眉九曰拂雲眉又名橫烟眉十日倒暈眉東坡詩成都畫手開十眉橫

雲却月爭新奇

唐末點唇有胭脂暈品石榴嬌大紅春小紅春嫩吳
香牛邊喬萬金紅聖檀心露珠兒內家圓天宮巧洛
兒殷淡紅心猩猩暈小朱龍格雙唐媚花奴

漢有隄廩墨東宮香墨鄴中三臺有曹公石墨造墨
有韋仲將墨法冀公墨法祖氏墨法李廷珪墨
法潘谷墨法麻子墨法宋徽蘇合烟墨法

造墨之妙者魏無過韋誕云仲將之墨一點如漆五
李無過李廷珪父子其墨浸水中三年不壞宋有潘

谷元有朱萬初皆可貴也

黃帝有玉爲墨海其文曰帝鴻氏硯漢天子用玉硯
魏武上雜物有純銀參帶臺硯又參帶圓硯晉武賜
張華青鐵硯柳公權蓄硯以青州石末爲第一絳州
者次之後始重端歛臨洮及好事者用銅雀臺瓦爲
硯至有稱未央宮瓦者然皆不及端

漢和帝時中常侍蔡倫擣故魚網作紙然倫以前有
紙按班史稱赫蹠西京雜記稱薄蹠注云小紙也又
三輔故事衛太子以紙塞鼻蔡後有左子邑善造紙

蕭子良云子邑之紙研妙輝光唐高麗歲貢蠻紙觀
書卷日本國出松皮紙又大秦出蜜香紙一云香皮
紙微褐色紋如魚子極香而堅韌晉武帝賜杜預萬
番寫春秋釋例又水苔紙以苔爲之名側理紙晉武
又賜張華萬番造博物志扶桑國出笈皮紙中國有
桑皮紙蜀中藤紙江南竹紙楮皮紙黔凝霜紙浙
中有麥麩稻稈紙王右軍會稽庫中有經九萬番悉
以乞謝安齊高帝造銀光紙賜王僧虔段成式在九
江造雲藍紙又湘東王爲荊州上武帝紙萬幅又奉

簡文紅箋二千番又云特送五色紙三萬枚吳越有

温州蠲紙

給紙者蠲役

烏程紙由拳紙南唐有澄心堂紙

細薄光潤爲一時之甲蜀箋按成都古今記載其目
曰深紅曰粉紅曰杏紅曰明黃曰深青曰淺青曰深
綠曰淺綠曰銅綠曰淺雲凡十樣又有松花金沙流
沙彩霞金粉桃花冷金之目蜀志王衍以霞光箋五
百幅賜金堂令張蠙又有百韻箋幅長可寫百韻學
士牋短於百韻薛濤箋短可書四韻韓浦詩云十樣
鸞箋出益州又元稹寄薛云昔蒲花發五雲高

洪又載兩漢人希姓亦可紀複姓如公上不害合傳
胡害室中同昭涉掉尾單父右軍陽城延息夫躬游
水發根吾丘壽王洛下閎梁丘賀五鹿充宗公戶滿
意堂谿惠申章昌告星賜關門慶忌安國少季馬適
建都尉朝母將隆紅陽長仙烏氏羸周陽由勝屠公
母鹽氏歐侯氏士孫喜索盧恢屠門少爪田儀工師
喜駁馬少伯公乘欵鮭陽鴻弓里游公沙穆胡母班
周生豐友通期公緒恭公族進階水丘岑叔先雄單
姓如繒賀蟲達靈常貴赫其石旅卿稅彭祖革朱穆

樂冷豐冥都漫中翁荆徹直不疑閔孺使樂成杯育
制氏猗頓義縱雋不疑疏廣云敞枚乘終軍鹵公播
食子公駢臂側宗衡胡乘宏簡卿快欽所忠假倉時
孟覺憚塗憚射姓后倉姓偉如氏苴氏百政免公髮
福質氏濁賢稽發萬章職氏佗羽繡君賓漕中叔栢
丹帛敞遲昭平汝臣駒幾稱忠速普臺崇沐茂匿氏
勞丙抗徐闕宣沮儒卑整編訴賈誦尋穆夜龍弓林
行巡殺諷角閔芳堅鐔錫光倥偉重異力子都維汜
記索繇延夷長公防廣鐔顯緱王蕃嚮渠穆臨孝存

脂習竿鬪茨支處興興渠具爰諒輔騰是卿仲遼謁
煥矯真晃華注丹禰衡又應劭風俗通載合浦太守
虎旗上郡太守邛杜河內太守遇冲北平太守賤瓊
東平太守到質沐寵北平太守卑躬鴈門太守宥詳
五原太守督瓊汝南太守謁渙九江太守荆修東海
太守鄱熙弘農太守移良南郡太守爲昆酒泉太守
類暢北海太守處典巴郡太守鹿旗涿郡太守作顯
廬江太守貴遷交趾太守賴先外黃令集一洛陽令
諸於單父令卽賣烏傷令昔登山陽令職洪高唐令

用科

梁四公名蜀闢

上攜

魏杰

上萬

麩齋

上蜀

仇督

上掌

音字尤奇不可曉

中國名酒不備載西域有蒲萄酒南蠻檳榔酒扶南

石榴酒辰溪釣藤酒赤土國甘蔗酒今四夷酒以暹

羅為第一

馬賦有云其名則汗血山子桃騂綠耳金喙騰黃騶

吾吉光蒲稍啟服野糜蛾鹿白蟻鷄斯蜚鴻母兒遺

風騶表茲白緘驪按黃帝有馬曰飛黃散宜生賂紂

者曰鷄斯犬戎吉疆義渠茲白

能食虎豹

周穆王傳八駿

一曰赤驥二曰盜驪三曰白義四曰踰輪五曰山子

六曰渠黃七曰騂騮八曰綠耳王子年拾遺記則一

曰絕地二曰翻羽三曰奔霄四曰超影五曰踰輝六

曰超光七曰騰霧八曰挾翼秦始皇有七馬一日追

風二曰白兔三曰躡景四曰追電五曰飛鬪六曰銅

雀七曰晨裊一日神鳧唐侯有驪驪項王有烏騅漢

文帝自代還有九馬一浮雲二赤電三絕羣四逸驪

五紫燕六綠離七龍子八麟駒九絕塵後得千里馬

却之漢武有天馬西極馬天馬汗血又東方朔獻馬
曰步景昭烈有的顧魏武有絕影呂布有赤兔曹真
有騫帆曹洪有白鶴魏文遺孫權織驪陳王獻魏文
大宛紫駢冉閔有朱龍劉琬有騏雄吐谷渾有青海
驄隋文帝有獅子驄唐太宗得之民間太宗有九馬
鑄像又得骨利幹十馬一曰騰霜白二曰皎雪驄三
曰凝霜驄四曰懸光驄五曰決波驄六曰飛霞驄七
曰發電赤八曰流金驄九曰翔麟紫十曰奔虹赤代
宗有九花虬德宗有神智驄如意驄秦叔寶有忽雷

駁宋王明圖叱撥有八曰紅耳叱撥鴛鴦叱撥桃花
叱撥丁香叱撥青叱撥騮赤撥榆叱撥紫騮叱撥
馬左足白曰馬鼻驪白雜毛曰預所謂烏驄也赤馬黃
鬣曰騏騮黃馬黑喙曰駟驪驪馬白跨曰曰騶黃白
曰皇純黑曰驪黃騂曰黃倉白雜毛曰騅黃白雜毛
曰駮赤黃曰騂青黑曰騏青驪騂曰驥連錢驄也白
馬黑鬣曰駱赤身黑鬣曰駟黑身白鬣曰雜陰白雜
毛白鬣陰淺黑色今泥驄也彤白雜毛曰駮豪駮曰
驪毫在背而白也二目白曰魚似魚目也青驪曰駟

今鐵驄也

春申君客躡珠履秦始皇有望僊鞋漢有伏虎頭履
繡鴛鴦履東晉有鳳頭履聚雲履五朶履南宋有重
臺履梁有芻頭履分梢履立鳳履五色雲霞履

豹
豸冰食蛟龍陸食虎豹駁馬食虎豹鼯犬亦飛食虎

五芝有石芝有木芝有草芝有肉芝有菌芝石芝赤
者如珊瑚白者如肪黑者如漆青如翠羽黃如紫金
皆光明洞徹晦夜能照又有玉脂芝七明九光芝石

蜜芝石桂芝不斫黃芝木芝有威喜芝飛節芝樊桃
芝參成芝木渠芝建木芝木華芝黃蘗檀桓芝草芝
有獨搖芝無風自動牛角芝龍僊芝麻母芝白符芝朱草
芝五德芝龍銜芝肉芝則萬歲蟾蜍千歲蝙蝠千歲
靈龜風生獸千歲鸞之類菌芝狀如宮室或車馬或
龍虎或人形或飛鳥五色無常已上五芝服之皆令
人長生然則大觀政和間王欽若丁謂蔡京輩所進
皆鬼目之類耳

史記載宰我為齊相作亂夷其宗後人以為闕止之

誤韓非子難言篇宰予不免於田常則在其時已記之矣又云宓子賤西門豹不鬪而死人手則二君亦不良死淮南子齊簡公專任大臣宰相故使田常鴟夷子夷得成其難使呂氏絕祀而陳氏有國太史公稱范蠡至齊變姓名爲鴟夷子皮齊人聞其賢以爲相范蠡謂久受尊名不祥乃歸其相印散千金而去之陶然則范蠡相齊之後又爲田常謀事成乃去耳○諺有城門失火殃及池魚詩有舊時王謝堂前燕飛入尋常百姓家其事甚明而附會其說者至以池

魚爲姓名以王謝爲商誤游烏衣國又孔子謂公冶
長在繚維之中而小說謂公冶長識鳥語爲鳥所誤
至沈佺期引之入詩曰不知黃雀語能免冶長災皆
可笑也

李密爲祖母陳情解官而後以遷遲怨望獲罪方望
諫隗囂稱王而後立劉林以死李迥秀爲母出忤婦
而晚爲張阿滅私夫劉殷孝子前以二女奉劉聰至
太保滅質之守肝胎奚滅耿恭孔覲之清節何如羊
續而卒以從逆誅人固不可以本末論也

女子有官位者女列侯陰安侯高祖丘嫂鳴雌亭侯
許負漢高帝封臨光侯呂嬃高后封鄴侯蕭何子嗣
侯祿薨高后封何夫人爲鄴侯女侍中後魏元義妻
胡氏北齊高岳母山氏女尚書魏明帝選知書女子
爲之女學士唐德宗朝貝州宋氏五女若華若昭若
華若倫若憲陳後主時宮人素大捨等女博士宋孝
武朝韓蘭英女將軍晉王廞起兵顧深母孔氏年百
餘以爲軍司馬廞復以已女爲正烈將軍唐行營節
度許叔冀以衛州女子侯滑州女子唐青州女子王

歃血對義奏授爲果毅女子司綸綽者上官婕妤司
史事者曹大家主兵者平陽公主洗夫人女子詐爲
男子而有官位者齊揚州議曹錄事婁逞唐昭義軍
兵馬使國子祭酒石氏朔方兵馬使御史大夫孟氏
蜀司戶參軍黃崇嘏楊升菴詩話又有女校書薛濤
女進士林妙玉此稱謂之詞耳非真也

祖孫同名者魏大將安同父名屈子亦名屈父子同
名者隋處士羅靖父亦名靖

宋曾丞相布以卯年卯月卯日卯時卒韓丞相絳以

辰年辰月辰日辰時生韓發解南省殿試皆第三以
熙寧三年三月三日卒人尤異之金有田轉運特秀
者所居里名半十行第五以五月五日生小名五兒
年二十五應鄉府省殿四試俱第五名年五十五以
八月十五日卒造物之巧如此

天子爲臣下作碑者唐太宗爲魏徵高宗爲李勣玄
宗爲張說德宗爲段秀實宋太宗爲趙普仁宗爲李
用和神宗爲韓琦國朝太祖爲徐中山達太
宗爲姚恭靖廣孝孝宗爲張自公繼而已

郭汾陽與馮道雖人絕董猶然郭以尚父太尉中書令汾陽王馮以太師中書令瀛王終俱八十餘又有女俱配龍王亦大奇人有題馮女廟者曰身既事十主女亦配九龍可供一笑

偶見有辭上柱國者以為人臣無上不知此官在隋為從一品階官在唐則為四品以上階官不足道也

古今官名有非人臣所宜稱者宰衡安漢公王莽天

枉大將軍爾朱榮後加爾朱兆高歡皆辭太上秦公胡國珍天策上將

秦王世民宇宙大將軍都督六合諸軍事侯景天師太師

范長太公望郭子儀李尚父輔國王行瑜錢鏐回天再造功臣朱全忠皇

生元帝天之下一人之上安國相王齊宗鎮國大長公

主太平

父子一時同在公位者漢霍光子禹晉司馬孚子瑩

司馬道子子元顯魏元悅子義高歡子澄北齊斛律

金子光宋蔡京子攸秦檜子熿元馬札兒台子脫脫

增補藝文類聚卷之十三

增補藝苑卮言卷之十四

吳郡王世貞元美著

新安程榮仲仁梓

古今事有絕相類者今記之以供撫掌之資如瘦沈
語前有約後有昭略寄怨詩妻之竇前有玄後有滔
望車塵之潘前有黨後有岳募俠客刺韓相之嚴前
有仲子後有遂疑卽一人致冰鱗之王前有祥後有延弔
客驢鳴之王前有粲後有濟射石之李前有廣後有
遠又獻胙加毒以讒賜死人知有五日獻公子申生而

不知有秦孝文王子西蜀侯憚沈江負父屍人知有
孝女曹娥而不知有趙社女絡拙地得石榔人知有
滕公而不知有衛靈飛廉看竹不問主人知有王徽
之而不知有袁粲獲偷侍兒人試文不殺因以賜之
人知有楊素之於季伯藥而不知有蔡興宗之於孫
敬王乳生浦人知有元德秀而不知有李善綵衣娛
戲人知有老萊而不知有伯瑜知囊人知有晁錯而
不知有樗里子魯匡佩六印人知有蘇秦而不知有
樂大以石爲虎射之沒羽人知有李廣李達而不知

有熊渠子倒用印人知有段秀實而不知有李山松夢
筆人知有江淹而不知有王珣紀少瑜李嶠李白能
使人主前席人知有賈誼而不知有商鞅蘇綽御屏
隔座人知有漢鄭弘第五倫而不知有吳紀亮紀騭
杯中蛇影人知有樂廣而不知有南皮皮令應柳樂弓
應弩
萬石君人知有石奮而不知有秦襲張文瓘留犢事
人知有時苗而不知有羊福食脫粟人知有公孫弘
而不知有晏嬰錢神論人知有魯褒而不知有胡毋
民成公綏陳蕃下榻人知有徐穉而不知有周璆雪

中高卧人知有袁安而不知有胡定嘏酒救火人知
有欒巴而不知有樊英邵信臣郭憲佛圖澄成武丁
羊車遊後宮鹽水酒地人知有晉武而不知有宋文
下第獻燕詩座主以明年登第人知有章孝標而不
知有于化成刻石高山深谷人知有杜預而不知有
顏真卿賜行酒炙人知有顧榮而不知有何遜陰鏗
錦纜事人知有隋煬而不知有甘寧還帶陰德至相
位人知有裴中令而不知有白中令發塚類遠祖貌
人知有蕭穎士之於鄱陽王而不知有吳綱之於長

沙王因食辨勞薪人知有荀勗而不知有師曠強索
妾人知有孫秀武承嗣而不知有阮佃夫告靈不仕
人知有王羲之而不知有何偃通它心觀人知有忠
國師之於大耳三藏而不知有普寂之於柳中庸奕
棋覆局人知有王粲而不知到溉製千字文人知有
周興嗣而不知有蕭子範贈柳妾人知有韓翃而不
知有李還古誤食燥豆人知有王敦而不知有陸暢
殞逆旅書生人知有王忱而不知有鮑子都廖有方
殺負心僕人知有張詠而不知有柳開金蓮歸院人

知有蘇軾而不知有王珪介子推題壁作龍蛇歌舟
之僑亦作龍蛇歌張崇還鎮率將鬚錢趙在禮亦率
拔釘錢

偶一時人賦詩有陸通姓名人不曉所謂余謂此楚
狂接輿也見莊子疏然詩入接輿則雅入陸通則俗
此不可不知也按何氏餘冬序錄考姓名頗詳然亦
有未備者因增記於此蒼頡姓侯剛氏見古篆文註
許由字仲武見莊子釋文臯陶字庭堅孤竹君姓墨
名台見孔叢子註伯夷名允一名元字公信叔齊名

智字公達見論語疏中子名伯遼見雲臺詠史詩當
作仲遼彭祖姓錢音名鏗見論語疏箕子名餘胥見
莊子司馬彪註管叔名度見史記註易牙名亞見孔
穎達疏逢蒙之弟名鴻超楊朱之弟名布見列子伯
樂姓孫名陽師曠字子野見莊子疏公孫弘字次卿
見鄒長倩書子產一名美見左傳註孟軻字子輿見
漢書註并孔叢子莊周字子休見列子註孫叔敖名
箴見碑記然一名研一名倪字子文見史記索隱杜
康字仲寧見短歌行註鬼谷子姓王名詡見續僊傳

陳仲子字子終見皇甫謐高士傳漢高祖父太公名
崇見後漢書註又名煜字執嘉見皇甫謐帝皇世紀
高祖兄仲名喜曹參字敬伯申公名培見史記註項
伯名纏字伯見漢書註叔孫通名何見楚漢春秋東
園公姓轅名秉字宜明夏黃公姓崔名廓字少通綺
里季姓朱名暉字文季川里先生姓周名述字元道
並高士傳壺關三老茂姓令狐見荀悅漢紀楊王孫
名貴見西京雜記次非亦名荆軻見續博物志伏生
名勝字子賤見西漢碑文翁名黨字仲翁見張崇文

歷代小誌揚子雲所稱李士元者名弘見蜀秦宓傳
鄭子真名樸嚴君平名遵見王貢兩龔傳註張宗字
諸公見陳忠傳註施延字君子見後漢書註田生字
子春見楚漢春秋河伯姓馮名夷字公子見聖賢塚
墓記秦宗新祠頌又姓呂名公子夫人姓馮名夷見
龍魚河圖衛夫人名鑠字茂漪見翰墨志佛圖澄姓
濕見邠州寺碑道安姓帛見高僧傳介子推姓王名
光范蠡字少伯毛女字玉姜見神僊傳元始天尊姓
樂名靜信見度人經阿彌陀佛姓憍尸迦見陀羅尼

集毗婆尸佛尸弃佛毗舍浮佛俱姓拘若利拘留孫
佛拘那含牟尼佛迦葉佛俱姓迦葉俱見長阿含經
釋迦牟尼佛姓刹利見曾耀經又云瞿曇氏見釋迦
方誌一祖達磨姓刹利帝本名菩提多羅二祖慧可
姓盧名神光四祖慧可姓司馬五祖弘忍姓周六祖
慧能姓盧俱見傳燈錄壺公名施存孔子弟子見真
誥玉門子姓王名剛九靈子姓皇名化北極子姓陰
名恒絕洞子姓李名脩太陽子姓離名明太陽女姓
朱名翼太陰女姓盧名全太玄女姓顯名和南極子

姓柳名融黃廬子姓葛名起馬明生姓和名君賢張
道陵名輔劉根字君安尹軌字公度介象字元則見
葛洪神仙傳弓神名曲張見龍魚河圖箭神名續長
弩神名遠望見太公兵法廁鬼名頊又名郭登井鬼
名瓊衣服鬼名甚遼竈神名隗又姓張名卓字子郭
東王公名倪字君明西王母名揚名回天翁姓張名
刺渴見酉陽雜俎船神名馮耳見梁簡文記

日姓張名表字長史日中青帝名圓常元字照龍韜
赤帝名丹靈峙字綠虹映白帝名皓鬱將字迴金霞

黑帝名澄、漕、濇，字玄、綠、炎、黃帝，名壽、逸、阜，字颯、暉、像、月，姓文，名申，字子光，月中青帝夫人，名娥、隱、珠，字芬、艷、嬰、赤帝夫人，名翳、逸、寥，字婉、延、虛，白帝夫人，名美、素、蘭，字鬱、蓮、華，黑帝夫人，名結、蓮、翹，字濇、屬、金、黃帝、夫人，名青、營、襟，字炁、定、容，東嶽姓玄、丘，名目、陸、南、嶽、姓爛，名佯、光，西嶽姓浩、岳，名元、倉，北嶽姓伏，名通、明、中、嶽姓角，名普、生，東海姓闕，名內、靈，西海姓導，名洞、清，北海姓喻，名淵、元，又東海姓何，名歸、君，南海姓劉、名躡、君，西海姓劉，名漱、君，北海姓吳，名禽、強、君，歲、星

姓碧空名澄瀾字清凝夫人姓涵常名寶容字飛雲
熒惑星姓渙空名維溥字散融夫人姓陽常名華甌
字玄羅太白星姓寥靈名振尋夫人姓明常名颯英
字靈思辰星姓肇喧名精源夫人姓淵常名玄華字
龍娥鎮星姓藏睦名航延夫人姓康常名空瑤字非
賢雷公江赫冲電母秀文英風伯方道彰雨師陳華
夫俱見道經

第六卷中所載文章之士列仙籍者似尚未盡按孔
子為太極上真公治九嶷山顏回為明晨侍郎後為

三天司直張衡、楊子雲爲北方鬼帝、治羅酆山、周公
爲北帝師、莊周爲太玄博士、嵇康爲中央鬼帝、治抱
犢山、屈原爲海伯、統八海、王弼爲丘暨、嚴君平尚在
峨眉、山鬼谷子爲太玄師、治青城山、郭景純爲都錄
司命、治雲臺山、周顛爲鬼官司命、李札爲北明公、賈
誼爲西明都禁郎、以治馬融事不當、謫遷太山司馬、
郗鑿爲南門亭長、臧洪爲北斗天門亭長、紀瞻爲北
天脩門郎、與虞譚更直守天門、顧和爲執蓋郎、溫太
真爲監海伯、杜預爲長史、何晏、殷浩俱侍帝晨、庾亮

爲北太帝前中衛大將軍孔融爲後中衛大將軍陶侃爲西河侯蔡謨爲長史荀彧爲北明公賓友謝幼輿爲左付監、

十方三世所有一切世界皆悉具四種相劫謂成住壞空成而卽住住而續壞壞而復空空而又成連環無端都將成住壞空八十輓轡結筭一十三萬四千萬四千萬年爲始終之極數所謂一大劫也一日月周行四天下光明所照是爲一世界如是千世界中有千日月千須彌山王四千天下四千大海四千惡道

千閻羅王千四天王千忉利天至千梵天是爲小千
世界尔所小千千世界是爲中千世界尔所中千千
世界是爲三千大千世界如是世界周匝成壞衆生
所居名一佛刹

王荆公誤解三昧爲僧所笑世多有引梵語入詩而
不當今聊摘其切於用者記之南無此云歸命信順
也佛覺也菩提亦覺也菩薩卽菩提薩埵覺衆生也
阿羅漢總音殺煩惱賊遠離諸惡堪總供養更不受
三界生也釋迦能仁也牟尼寂默也彌勒慈氏也維

摩詰淨名也婆羅門梵志也辟支獨覺也苾芻香草
以喻僧也比丘乞士也上乞法下乞食也波羅密彼
岍也多到也禪那靜慮也般若慧也三昧正定也又
等持也奢摩它止息也瑜伽相應也阿耨多羅無上
也三藐正也般涅槃般會也涅槃出也槃煩惱也宰堵
波塔也荼毘亦云闍維焚燒也僧伽藍衆園也娑婆
堪忍也懺悔懺謂懺摩請忍也羯磨作法辦事也曼
陀羅花雜色花也蒼蔔花黃色花也優鉢羅花黃白
色花也阿僧祇無數也

四果預流卽須陀洹爲初果一來卽斯陀含爲二果
不來卽阿那含爲三果無生卽阿羅漢爲四果自此
以上獨覺菩提爲辟支佛自覺覺他爲一切菩薩摩
訶薩行因果圓滿爲諸佛無上正等菩提

佛經如觀音大勢至文殊普賢皆久已造佛境而不
肯成佛普賢則廣大脩習圓滿未退名未息願文殊
則深入善權廣化衆生故未取道觀世音於阿彌陀
佛滅後成等正覺號普光功德山王如來彼佛國土
曰衆寶善集莊嚴大勢至繼觀音成佛號善住功德

寶王如來至文殊爲七佛導師又云過去無鞅數佛皆其弟子成佛之時以恒沙諸佛世界爲一佛刹其佛刹裝嚴比阿彌陀佛猶大海水比一滴水則諸佛功德未有如文殊者也

釋迦於諸弟子授記後當成佛至云彌勒發意先我之前四十二劫我於其後乃發道意於此賢劫以大精進超越九劫得於無上正真之道則授記先後又有不可定者釋迦雖先成佛於五濁惡世人壽百歲時彌勒成佛當人壽八萬歲時初會度人九十六億

第二會九十四億第三會九十二億爾後度人無數
蓋佛無高下功德有大小緣與願力所成耳

釋氏謂太昊卽應聲大士孔子卽儒童菩薩顏子卽
光淨菩薩老子卽摩訶迦葉道家謂尹喜爲釋迦佛
老子遺化蓋其徒相傾之談耳

靈寶經陽九百六劫之火者也陽極於九故云陽九
陰極於六故云百六卽陰六也小則三千三百年次
則九千九百年大則九九八十一萬年爲劫終也又
洞玄運會經天厄謂之陽九地虧謂之百六道跡經

言陽九者天旱海涌而陸焦百六者大水海陸而陵
淵

老子在天皇時爲通玄天師地皇時爲有古先生人
皇時爲盤古先生伏羲時爲鬱華子神農時爲大成
子祝融時爲廣壽子黃帝時爲廣成子帝嚳時爲錄
圖子帝堯時爲務成子帝舜時爲尹壽子夏禹時爲
真行子商湯時爲錫則子後以商王湯甲十八年降
胎至武丁九年生在周西伯時爲蒧史號燮邑子武
王時爲柱下史號育成子成王時爲經成子康王時

爲郭叔子。西出關。自流沙。還授禮於孔子。在天以王。晨大道君爲師。在人間以常椽爲師。老子生。登行九步。步生蓮花。左手指天。右手指地。曰。天上天下。唯道爲尊。釋迦生時。登行七步。一手指天。一手指地。曰。天上地下。唯我爲尊。不應相同如此。

老子一名李耳。字伯陽。二名雅。字伯宗。三名忠。字伯光。四名石。字孟公。五名重。字子文。六名定。字元陽。七名元。字伯始。八名顯。字元生。九名德。字伯文。老子身九變。有七十二相。八十一好。七十二相者。頭圓爲天。

伏晨蟠起王枕穿隆皓髮如鶴長七尺餘眉有北斗
其色翠綠其間紫毛長五寸餘虎髭龍髯素潔如絲
耳無輪郭中有三漏高平於頂厚而且堅兩目目光
方瞳綠筋鼻有雙柱形如截筒口方如海唇赤如丹
氣有紫色其香如蘭齒如編貝其堅如銀數有六八
上下均平舌長且廣形如錦文玉泉充溢其味甘香
每發妙言聲如金玉額高而起頤方若矩日角月淵
金容王姿龍顏肅肅鳳視閑閑額有兌象參午上達
天庭平坦金匱充盈腹有白痣頤有玉丸項有三約

鶴素昂昂垂臂過膝手握十文其指纖長爪有玉甲
身有綠毛胸有偃骨背有河魁臍深寸餘腹軟如綿
心有錢文腹有玄痣眼有輪文足踏二趾指有乾坤
身長丈二徧體芳香面方面澤上下三停身如金剛
貌若琉璃行如虎步動若龍趨此其相也左扶青龍
右據白虎前導朱雀後從玄武頭蔭紫文足履蓮花
頂負兩景五明曜日身有圓象洞照九天兼前仙相
光色奇妍總八十一謂之好也見法輪經老子史略
○每讀楞嚴經云貪明爲罪遇精爲形各魍魎鬼和

銷報盡生於世間多爲應類。耐足爲人。叅合文類。貪
成爲罪。遇明爲形。名役使鬼。明滅報盡。生於世間。多
爲休徵。耐足爲大叅。合明類不免。一自晒。

般若經如來三十二相。足下有平滿。相猶如奩底地。
雖高下隨足所蹈。坦然等觸。第一足下千輻輪文。鞞
鞞衆相無不圓滿。第二手足並皆柔軟如堯羅綿。第
三兩足一一指間猶如鴈王。鞞網交絡。文同綺畫。第
四手足諸指圓滿。纖長可愛。第五足跟廣長圓滿。與
趺相稱。第六足趺脩高。光滿與跟相稱。第七雙脰漸

次纖圓如鹿王膺第八雙臂平立摩膝如象王鼻第九陰相勢鋒藏密猶龍馬第十毛孔各一毛生紺青宛轉第十一髮毛端皆上靡右旋宛轉第十二身皮細薄滑潤垢水不住第十三身皮金色晃耀諸寶莊嚴第十四兩足兩掌中頸雙肩七處充滿第十五肩項圓滿殊妙第十六膊腋悉皆充實第十七容儀洪滿端直第十八身相脩廣端嚴第十九體相量等圓滿如諾瞿陀第二十額臆并身上半威容廣大如師子王第二十一常光面各一尋二十二齒相四十齊

平淨蜜根深白逾珂雪二十三
四牙鮮白鋒利二十四
常得味中上味二十五
舌相薄淨廣長能覆面輪
至耳髮際二十六
梵音詞韻和雅隨衆多少無不等
問二十七
眼睫猶若牛王緝青齊整二十八
眼睛緝青鮮白紅環間節皎潔分明二十九
面輪猶滿月眉相皎淨如天帝子第三十
眉間有白豪相柔輦如絲白逾珂雪三十一
頂上烏瑟膩沙高顯圓猶如天蓋三十二

入鳥山經云佛經稱須彌山卽人鳥山又名玄圃山

或名大地金根山本無妙玄山元氣寶洞山神玄七
轉觀天山綦布三百六十億萬里自然七寶宮殿爲
元始天尊治按佛經稱須彌山頂爲帝釋天所居山
頂四面峰挺出各高七百由旬金銀琉璃玻璃真珠
車渠瑪瑙之所莊校然其上復有諸天道經所稱人
見山在諸天最尊處似不同也

須彌山半四萬二千由旬有四天王天須彌山頂爲
帝釋天上一倍爲夜摩天上爲兜率陀天化樂天他
化自在天梵衆天梵輔天大梵天少光天無量光天

光音天少淨天無量淨天徧淨天福生天福受天廣
果天無想天無煩天無熱天善見天善現天色究竟
天無邊空處天無邊識處天無所有處天非想非非
想處天凡二十八天四天以下又有日月星宿天常
僑天持鬘天堅首天凡三十二種所謂三十三天者
卽帝釋天宮也見因本經與阿含經又不盡同

須彌山東天下名東弗于人壽三百西名西瞿耶尼
人壽三百南名南閻浮提人壽百歲北名北鬱單人
壽十歲長倍三天下人間浮提今中國四夷皆是也

中國稱震且又稱人國則自天竺一名爲閻浮提之一也

按道家稱元始天尊居玉清清微天靈寶道君元始
弟子居上清禹餘天太上老君爲元始系子靈寶第
居太清大赤天卽化身爲老子者也陶虛白真靈位
業圖則謂玉清三元宮上第一中位元始天尊第二
中位玉晨元皇大道君第三中位太極金闕帝君姓
李下註壬辰下教太平主第四中位太清太上老君
不知所謂老子者金闕帝君乎抑太上老君乎葛洪

元始上真衆仙記則謂元始天王在玉京山經二劫
下遇太元聖母經一劫一施生天皇十三頭東王公
曰元陽父又生西王母後復生地皇十二頭人皇九
頭雷霆玉經則言浮黎元始天尊玉清神母元君生
長子爲玉清元始天尊第九子爲高上神霄玉清真
王長生大帝上清三尊譜錄則云第一度師上玄真
明道君卽元始上皇丈人法姓璽法諱喬法字堯正
音姓無名延世音字觀无觀第二度師无上玄老卽
高上九天太上真王法姓璽法諱柔法字燮正音姓

度天淵通元洞天翰寵妙成天秀樂禁上天右四天
無色界積年萬劫無上常融天王隆騰勝天龍變梵
度天名四梵天壽命無有大期爲三十二天合清微
天禹餘天大赤天及無上大羅天爲三十六天見靈
寶本元經

第一無景無色鬱單無量天第二無形清微天第三
無精波羅摩禱天第四入色水無量億羅天第五無
極洞清上上禪善無量壽天第六玄微自然上虛禹
餘天第七玄清上无那首約淨天第八梵行上清然

稽那遏淨天第九無窮洞虛極上須延天第十六梵
玉虛無精無羅迦淨明天第十一無玄元達上靈赤
天第十二大梵元炁離和天第十三無極上虛王空
玄洞寂然天第十四梵無色上真炁潘羅玄妙天第
十五飛梵行真上玄炁謾福德天第十六雲梵流精
中元近懨際淳天第十七玄上洞極無崖不驕樂天
第十八大梵玄天元精峇愁近際天第十九行梵紫
虛上元首帶快見天第二十虛梵上清化靈須陀結
愛天第二十一上極無景洞微化應聲天第二十二

大梵九玄中元阿給道德天第二十三行梵元清下
靈炁須遠天第二十四極梵洞微九靈炁須帶阿那
天第二十五無名至極洞微梵寶天第二十六微梵
玄天炁帶扇給道德天第二十七虛梵天炁蟬然識
慧天第二十八空梵中天續元伊檀天第二十九太
極無崖紫虛洞幽梵迦摩夷天第三十綠梵自然識
慧入天第三十一玄梵大行無景無所念慧天第三
十一雲梵上行維先阿檀天第三十三無色玄清洞
微波黎荅愁天第三十四洞微玄上梵炁阿竭念那

天第三十五玄上綠梵滅然天第三十六極色上行
梵泥維先若那天見 經按琅函所載又各不同

○東方極豪林之墟名呵羅提國人壽四百歲南方
極洞陽之野其國人壽三百六十歲西方極浩素之
壘其國人壽六百歲北方極朔陰之庭名旬羅之國
人壽三百歲上方上清陽灰空之內其國人高上玉
皇萬聖帝真惟劫爲年直下極大風澤名寶真無量
國人壽一千二百歲見放品經

龍漢之後天地破壞逮至赤明開光天地復位一劫

周又復破壞逮至開皇天地復位出洞玄靈書又五劫龍漢爲木劫亦明爲火劫延康爲土劫開皇爲金劫上皇爲水劫而起一伏周而復始見猶龍傳識者非之以爲漢武帝時始建有年號何得於窮劫之前預有之乎

九天上第一天名鬱單無量天人壽九百萬歲歲如世間五百歲第二天名上上禪善無量壽天人壽三千六百萬歲歲如世間一千歲第三天名梵監天人壽一億五千二百萬歲歲如世間二千歲第四天名

兜術天人壽六億八百萬歲歲如世間四千歲第五
天名不驕樂天人壽二十三億四千萬歲歲如世間
八千歲第六天名化應聲天人壽九十二萬億一千
六百萬歲歲如世間六千歲第七天名梵寶天人壽
七劫歲如世間五千歲第八天名梵摩迦夷天人壽
二劫歲如世間千五百歲第九天名波梨荅怒天人
壽四劫歲如世間二千五百歲其一天俱別置三天
合三十六天見太霄琅書

四天王天壽五百歲以人間五十歲爲一日初利天

壽千歲以人間百歲爲一日
閻摩天壽二千歲以人間二百歲爲一日
兜率天壽四千歲以人間四百歲爲一日
化乐天壽八千歲以人間八百歲爲一日
他化自在天壽一萬六千歲以人間一千六百歲爲一日
魔身天壽二萬二千歲以人間三千二百歲爲一日
梵迦三天壽一劫光音二天壽二劫遍淨三天壽三劫
果實三天壽四劫無想天壽五百劫無造天壽千劫
無熱天壽二千劫善見天壽三千劫大善天壽四千劫
色究竟天壽五千劫空處天壽一萬劫識處

天壽一萬一千劫不用處天壽四萬二千劫有想無想天壽八萬四千劫見阿含經按佛道二經雖不同大抵言天壽噫壽則壽矣亦終有盡也

玄都玉京山前爲元京山峨眉山右爲廣霞山左爲紅暎山紫空山五閭山皆在玉清上大羅下又三秀山在玉京前金華山寒童靈山秀華山俱在玉京右三寶山飛霞山在玉京後浮絕空山在太清中皆真氣所化上有官闕

東嶽廣桑山在東海中南嶽長岡山在南海中西嶽

麗農山在西海中北嶽廣野山在北海中中嶽崑崙
山在九海中爲天地心此大五嶽也方壺山在北海
扶桑山蓬萊山沃焦山在東海連石山在東南鍾山
在北海方丈山員嶠山岱輿山俱在大海中艷都山
在九壘之下玄洲在北海中瀛洲穆洲祖洲俱在東
海中鳳麟洲聚窟洲生洲俱在西海中炎洲在南海
中又元洲長洲俱在大海中滄海島在大海中高五
萬里皆神仙所居五帝所理中國五嶽東嶽泰山羅
浮括蒼爲佐命蒙山東山爲佐理南嶽衡山霍山潛

山爲儲副天台句曲爲佐理中嶽嵩山少室武當爲
佐命太和陸渾爲佐理西嶽華山地肺女几爲佐命
西城青城峨眉嶓冢西玄戎山吳山爲佐理北嶽恒
山河逢抱犢爲佐命玄隴崆峒陽洛爲佐理又三佐
命山青城山天柱山廬山又有十大洞天則王屋委
羽西城西玄青城赤城羅浮句曲林屋括蒼三十六
洞天則霍林蓬玄朱陵總真總玄司真虛陵太妙洞
虛詠真丹山赤水極玄陽明德玄天寶極玄好生上
元天柱司玄昇真化玄貴玄司真容城太玉大秀法

樂長耀寶光太上寶玄秀樂長真王闕寶圭湘真太
虛洞陽隱觀玄真太元大酉華妙金庭崇妙丹霞仙
都祈仙青田大鶴大滌玄蓋朱湖太生良常方會白
馬玄光金華洞光紫玄洞盟皆有真仙主之七十二
福地則地肺仙源玉瑤青嶼崆峒郁木坑武當君山
桂源靈墟沃洲天姥岑若耶溪巫山清遠東白安山
馬嶺鵝羊洞真壇洞宮王清壇靈源陶山爛柯龍虎
勒溪靈應白水源金精閣皂始豐逍遙東白源鉢池
論山毛公壇九華桐栢平都綠羅章觀抱犢大而虎

溪元晨德山鷄籠玉峯在藍田商谷張公洞長白中條

霍山雲山四明在梨州緱氏臨邛少室翠微大隱白鹿

天柱大若巖嶠山西白天印金城三皇井沃壤三十

六靖廬綿竹紫蓋瀘水丹陵守玄靈淨送仙契靜凌

虛鳳凰子真玄性契玄啓玄出谷君平斗山光天眼

德尋玄得一啟靈宗華朝真黃堂迎真招隱紫虛啟

聖啓靈鳳臺東華祈仙元陽東蒙貞陽右皆有仙真

脩煉之跡按記事者可謂詳悉矣然滇詔之地碧鷄

金馬蒼山洱水勝甲天下又自廣而西山皆聳秀黛

碧洞多深窈宏靚寧無仙真總理蓋記者當其時中
國版圖未備無所攷證耳四海之外九天之表乃能
懸立五嶽羣山之名耶